



詩稿 蘇舜欽

正初年

あし

蘇舜欽 全書

服部文庫
417
2112
1





傷逝詩六首

南郭先生即世時作

元立

容

遺音恒若在形圓隔且幽感念黃墟事悄悄切殷憂

其二

斯道

凶始崇文質詩書仰先知白日晚晚入清塵不可追

肅々愕寵變申申憶鳳儀昊天生爵德文章遺典規

已矣一眎夫子棄何由盡所思維如何寤寐竟何為

其三

道韜賦頌重賦頌工有神譬如崑岡玉溫潤一何新

春華信可悅秋實且可珍其德不可測如彼龍与麟
春秋私自淑斯文能絕倫良覲如昨日不覺忽經春
斯於此日哭一慟哀難陳造化何爾艱搔首向蒼昊

其四

天機運不止朱光已徂矣六月鳴蜩蟬原野宿牝被
吞聲趨彼墟丘隴闐何視松栢何森森墳墓徒累累
昔往實而還今耒虛何俟徘徊悵不去且念丘壑美

其五

丘壑宜嘉遯嘉遯當規矩死生故非遠理會不可覩

嗟人如草露露在人非故鬱陶惜往昔沈痛向誰訴

其六

夙夜發涼氣高風送白雲憂心愁如擣夜起望星文
元化誠怪哉何能遣情殷性命与天道不可得而聞

楊白花二首

陌上垂楊樹春光稍稍稀狂風遮莫至花落自由飛
不忍楊白花楊枝媚烟霞花去不知處風來楊枝斜

奉荅京公子見贈

雪調投來屈素秋晉時狂態愛風流羞因翰墨上穉兒

弟好以杯樽相獻酬琴瑟交遊千里近江湖漫興一
身浮吾徒賴有生前酒唯着名園勝地求

和君柔公子悼幼女之作

蕙艸總生異象芳猶期絃絕感中郎空思嫩色
春無恙着在鳴琴花月林

二

少婦金圍粉黛殘燈前愁夢思無端明珠光沒
千行淚夜夜中向月寒

燕子行

燕子海上來卜巢寄此身一簣借人功銜泥辛苦辛
日日頽頽綠野西不向人間堂宇栖倍春風兮翼舒
長翔雲煙兮音高紙屋上聯翩鳥与雀此物微細異
大雞雀報救極鳥反哺鳥喜雀躍日相携燕子能
憶主人氏生涯擇地歸仁里仁里宇下忘寒暑陋軀
熟縱猶染美投分用捨敢是非逍遙物情我所希只
恃終養成羽翼年年長傍主人飛

滕君子宥充駿城番衛之役賦此送行

蕭晨陣祖膳平館宴群英佳節黃花發昊天白露清

見星辭玉署仗劍向金城
縱盡龍山興誰停駿跡行聽
狗踰曉嶂歇馬鑿澄瀛
設險開重鎮通函屬太平
麗譙根百仞靈嶽倚崢嶸
雲傍高臺出雪連列宿明
謁陵隨典制益國仰經營
夙夜深嚴衛乾坤一守盟
西征聊試賦東道旋應迎
多暇新豐酒酣歌古郢名
兼秋堪覽勝干役豈違情
更賴鴻書便無嗟阻客程

九日芙蓉館重宴別滕君子宿

青山風雨落樽前五柳蕭條
傍別筵館裡芙蓉秋
可贈客中詞賦雪應傳朱絃
暫駐驢駒唱一醉相逢

九日天彭澤共憐黃菊色送君還更待明年

林士灌田莊新成同見招賦得元字

新居浹谷村地僻好逃喧
水樹延閑徑郊烟取對樽
憐君情已慙愧我願空存
出興初歡日相忘共負暄

秋晚郊居二首

遠岫秋林外何須泄小枝
田家收穫富芳苑雨霜遲
棄置江湖有優遊野父知
浮雲還我志養拙遂幽期
郊甸秋晴望蕭條落日天
蓬心我亦厭樗質誰能憐
一壑供漁釣三杯足醉眠
聊闡什萊事野老此周旋

空

冬日陽春館集管長御臥病不至分韻

請試郢中篇館高飄雪前陽春思伏枕寒夕倚南筵
玄侶唯憂疾香樽寧厭賢共論稀和者病臥轉相憐

雪夜圍情分得江韻

雪撲窗圍凍夜窓起來猶懶汲寒江紛紛莫及圍
山險今日即君在受降

城門雪望

積素渾盈尺成花繞禁林西峰城上失銀闕柳邊深
主第春還發霜臺寒轉侵南山吾有詠謾向天天吟

同友人歲晚送窮之作

把酒迎春且送窮幾年甕牖此相同知君猶逐風霜
去何處還尋一室空

塞垣行得微韻

雨雪沙場白羽飛一軍輕騎盡戎衣據鞍欲問深垣事
戢士營中知者稀

歲晏行

懷

人生應湏滿千秋千秋不可抱一萬憂忘憂自有千斛
酒酒上又能泛虛舟汎乎東西往去住人間彼此江水

流歲崢嶸兮雪漫漫兮今我不醉世路難開花有期
何相待今我不豫春色闌珠玉金銀不可食功名富
貴豈無極願與同袍莫相逆相迎今夕此相息一
醉日富勿失時請君聽我歲晏辭

除夜

綿々城鼓五更天人事家々杯酒前潦倒迎春誇
少壯生涯除夜惜窮年三冬宜試書千卷一斗須
裁詩百篇若使江湖能避世陸沉何羨歲星賢

觀岐岵畫圖寄懷西征友人

卷之三

徒
巖嶽生堂上風煙盡筆痕妙工聊假手高卧此游魂路
識岐岵險溪思壠坵喧迤連地軸突兀入天門丹嶂
霞堪摘蒼意參可捫忽驚雲霧散空潤鏡湖存懸
棧忠臣度層崖行子奔雪經長夏在花過暮春繁
九折寧相讓五丁猶自煩關梁通帝里芳艸憶王孫
勝具皆登陟覺牀誰晤言定知懷土夕投宿更何村

送智隨師歸湖中

袈裟一別太湖東黛色千山落鏡中借問他鄉觀水
月何如故苑醉春風

聞某道士出山有此寄

道一能詩

聞君忽揖北山行不復驅靈朝玉京
時後青龍存藻思雲中白鹿獸
呦鳴舊峰應惜松樞閉流水猶追
幢節清豈有文章天上責還疑客
似謫仙情

二

花開容易別丹丘天路元通紫陌頭
飛度神山珠樹色回看帝處白雲浮
試拔龍杖臨陂去枉引牛車戀闕
留枕簟時成他日夢寧堪五嶽憶
仙游

分題得青樓花

花

隨意

爛熳芳菲三月時玉欄斜倚夕陽遲
繫得前郎君馬不遣春風容易吹

又得大堤柳

傍

堤上垂楊酒肆胡千枝嫋嫋對當壚
春風流水家家色能繫扁舟第幾株

春日抱病偶作

作賦將何事黃金且有無繁
花佳節過多病壯心孤唱和停琴瑟
山河遼酒壚唯餘中散懶春至臥江
湖

羽林郎騎射歌

成風恰散芳樹雪
鳴鞭不惜破春先

馬

漢家威容羽林郎駿馬如林列當場意氣各著千里
服金鞍珠勒競騰驤上苑永埒平如水青雲丹霞連
幕長。分革兮人定次並騁忽疑波濤揚輕如飛羽
凌空舉疾似浮雲出岫翔南州之箭盡其美兮燥
手審何以當一瞬射小丘山壞餘力何論没石梁馳
射各自致所習千騎齊照東方暉即事賞賜有黃
金錦袍一襲復一襲今之世海晏安時閱春秋隨
其宜君不見國華右文必有武妙年相學莫行期
同友人送西海道巡檢使某之作

文武朝儀盛乾坤日色新星輶分使者龍節撫黎民
荒服威堪致國風詩可陳光盈千里道恩布九州春
不顯隨周德維良佇漢臣鎮西今海晏山水媚行巡

亨

送守伯奇歸省濃州

故人西指大垣城行色翩翩追鳥輕負笈幾年終舊
業彈琴一曲唱歸耕和顏朝捧芳鮮省美服春裁霞
彩成豫識高堂歡不盡開筵堪慰倚門情

晨

其二

阿母山頭春色長宦游酬志暫還鄉開樽未盡班荆

意命駕先歌陟屺章
青草野花連驛樹
白雲流水度關梁
上池元自君家術
和奉清泉養老觴

賦得岸花飛送客贈友人

贈佐俊卿携家徙居

解道人生足別離
江亭杯酒欲傾遲
落花流水隨君去
幾度空攀風雨枝

又賦贈山美秀歸藝州

芳菲三月映清流
幾度春光醉裏求
今日花飛游子意
千枝不少繫歸舟

首夏奉送市橋侯歸湖南封邑

興

華館風流春困閒
花飛五馬向西還
新詩好自將清思
湖上堪窺石鏡山

落

落花詞

市橋侯席上探題

蕭條谷口掩柴扉
風雨千林花盡飛
却恨明朝園樹色
相求黃鳥問春稀

銅雀妓

遺令如漳水
鉛華為自開
綺羅恩更重
歌舞意偏哀
風雨淒時至
君王竟未回
紅顏雙淚眼
長在望陵臺

擬唐人主第應制之作

龍騎霓旌出九關烟樓霞館曙光閑峰巒万點供春
黛花樹千重嬌聖顏玉醴坐啣丹洞裡瑤簫吹起
彩雲間悞疑冰雪凝粧處陪駕同游姑射山

江樓宴別已不及期得東韻

知君歸思切無那促秋風餘席樽難盡憑欄客半空
相憐張翰去不與李膺同只有臨津處江波徒自通

病中聞人納涼有寄得庚韻

枕簟空回首江雲屬晚晴水亭無暑色凡樹入秋聲
歌舞何嬌態病痾誰送迎相思還作賦轉感涼草生

